



Broj: 03-45-7208/22  
Datum: 02.08.2022.god

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine («Sl.glasnik BiH» br.39/14), nakon provedenog Otvorenog postupka javne nabavke roba, a na osnovu Preporuke komisije za javne nabavke broj: 03-45-10135/21 od 25. 10. 2021. godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i**

### **O D L U K U**

o izboru najpovoljnijeg ponuđača

1. Dodjeljuje se ugovor „**Izrada dopune Elaborata o inženjersko-geološkim i geotehničkim karakteristikama terena za potrebe izrade RP Soukbunar, Općina Centar Sarajevo**“ ponuđaču „**WINNER PROJECT**“ d.o.o. Sarajevo obzirom da je podnio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14)
2. Ova Odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.
3. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Na osnovu Odluke o pokretanju postupka javnog nadmetanja broj: 06-45-4597/22 od 16. 05. 2022. godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju, objavio Obavještenje o nabavci broj: 285-1-2-30-3-22/22 na portalu javnih nabavki i objavio tendersku dokumentaciju za „**Izrada dopune Elaborata o inženjersko-geološkim i geotehničkim karakteristikama terena za potrebe izrade RP Soukbunar, Općina Centar Sarajevo**“- na portalu javnih nabavki u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15).

Javna nabavka za „**Izrada dopune Elaborata o inženjersko-geološkim i geotehničkim karakteristikama terena za potrebe izrade RP Soukbunar, Općina Centar Sarajevo**“oglašena je u „Službenom glasniku BiH, br. 45/22 od 08.07. 2022.godine.

Iz Izvještaja o preuzimanju tenderske dokumentacije preuzetog sa portala javnih nabavki na osnovu objavljenog obavještenja broj: 285-1-2-30-3-22/22 vidljivo je da je 9 (devet) ponuđača preuzelo tendersku dokumentaciju i koji ponuđači su preuzeli tendersku dokumentaciju, te da je 5 (pet) ponuđača preuzelo tendersku dokumentaciju i ispravku tenderske dokumentacije i koji ponuđači su preuzeli isto.

Komisija se sastala dana 22.07.2022.godine, radi preuzimanja i otvaranja ponuda „Izrada dopune Elaborata o inženjersko-geološkim i geotehničkim karakteristikama terena za potrebe izrade RP Soukbunar, Općina Centar Sarajevo“ koju je podnio ponuđač: „WINNER PROJECT“ d.o.o. Sarajevo. Na otvaranju ponuda nije bilo ovlaštenih predstavnika ponuđača.

Komisija je otvorila ponudu ponuđača i iz „Obrasca za cijenu ponude“ i „Obrasca za ponudu“ pročitala ponuđenu cijenu ponuda, dok su rokovi izdaje usluge, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Komisija se ponovo sastala dana 29.07.2022..godine radi pregleda priloga iz dostavljenih ponuda, odnosno da bi utvrdila da li je ponuđač ispunio uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li je ponuđač dostavio tehnički zadovoljavajuću ponudu u skladu sa zahtjevima iz tenderske dokumentacije i da li su kvalifikovani za nabavku predmetne usluge.

Komisija je konstatovala slijedeće:

- Ponuđač „WINNER PROJECT“ d.o.o. Sarajevo dostavio je tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12.1,13.2,3 i 4 tenderske dokumentacije, pa je ponuda „WINNER PROJECT“ d.o.o. Sarajevo **prihvaćena.**

Komisija je predložila ugovornom organu da se u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14) **dodijeli** ugovor za „Izrada dopune Elaborata o inženjersko-geološkim i geotehničkim karakteristikama terena za potrebe izrade RP Soukbunar, Općina Centar Sarajevo“ ponuđaču „WINNER PROJECT“ d.o.o. Sarajevo, pod rednim brojem 1, obzirom da je u Otvorenom postupku ponudio najnižu cijenu tehnički zadovoljavajuće ponude.

Komisija je sačinila Zapisnik o ocjeni i pregledu ponuda broj: 03-45-7189/22 od 01.08. 2022. godine koji je sastavni dio ove Odluke. Shodno navedenom odlučeno je kao u dispozitivu.

**POUKA O PRAVNOM LIJEKU:** Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol ugovornog organa ili preporučenom poštom, u roku od 10 (deset) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 2.000,00 KM i podnosi se Uredu za razmatranje žalbi.

Pripremila:  
  
Azra Kaleta, dipl.ing.arh.

Odobrio:  
Šef stručnog nadzora:

doc.dr. Venera Simonović, dipl.ing.građ.



**DIREKTOR**

Belma Barlović, dipl.ing.arh.

DOSTAVITI:

1. „WINNER PROJECT“ d.o.o. Sarajevo
2. a/a